

DUO MELAO TA EXPANDIENDO SU ALANAN

ORANJESTAD(AAN)—Mas o menos un aña pasa cu Sharon Rose y Efrem Benita a forma Duo Melao, nan a pone como meta pa trata na logra mercado internacional como duo.

Despues di un aña luchando pa logra haya un reconocimiento pafo di antillas, parce cu nan meta na caminda pa ser logra.

Duo Melao a logra un popularidad grandi na Aruba, y despues nan a sigui pa Curacao unda casi siman tras di siman nan ta cosechando masha exito cu nan presentacionnan.

"Ta formidable pa mira con nos ta goza di salanan yen y cu hende cu mester para pasobra no tin lugar y sa cu hopi otro no por haya lugar pa mira nos shownan", ta un

di e expresionnan cu DIARIO a haya di entrevista cu Sharon y Efrem.

A ser muestra cu na Curacao unda cu nan actua, nan ta ser pidi pa regresa y cada vez cu e mes exito of exito mas grandi.

Duo Melao ta expandiendo nan alanan.

Nan a logra na Aruba y Curacao locual tabata nan deseo pa e islanan aki pero e meta mes di bay internacional, nan a cuminsa logra porfin.

Diarazon venidero den Surfside nan ta tene nan unico siguiente presentacion na Aruba combina cu Time y despues Duo Melao ta viaja un biaha mas pa Curacao, sigui pa St. Maarten unda tambe nan popularidad a subi debi na e exitonan na Aruba y Curacao, y di St. Maarten Duo Melao pa e temporada aki, ta

viaha pa Venezuela y Panama.

Manera ta conoci, nan manager ta Mavis Albertina figura popular di farandula na Curacao y pa medio di su programanan y contactonan, Duo Melao ta logra contratonan den exterior.

Den conversacion cu DIARIO tabata tin ayera cu Sharon y Efrem, a ser puntra tambe encuanto otro paisnan, pero nan no tabata kier ta prematura cu informacion encuanto esaki, ya cu negociacionnan ta tumando lugar cu varios pais den Caribe y tambe na America Latina y nan no kier crea speranza falso, te ora cu nan mira tur cos concretiza.

Na Venezuela si e duo ta spera di drenta mercado ya cu nan contrata pa Television y algun show, y e contratonan ta habri



caminda tambe pa presentacion na diferente lugar.

DISCO/VIDEO

Dentro di mas o menos un luna ta ser spera cu nan longplay nobo lo ta ariba mercado.

E grabacionnan a bini cla, y segun Efrem Benita nan ta spera cu aki tres siman e disconan por ta na Aruba, of pa mas tarda den un luna. E disco a ser graba na Aruba Recording Studio y e grabacion a ser manda exterior caba pa imprimi disco.

Pero e disco lo no ta tur cos ya cu Duo Melao ta bini pronto tambe cu un video clip, pero di tur e cancionnan di Duo Melao cu ta graba ariba e disco y pa cada cancion otro presentacion di video.

Cu excepcion di un di e cancionnan, tur ta composicion di Efrem Benita.

Esun cu no ta su com-

posicion lo mester bira e exito grandi, pero lo no divulga esaki publicamente ainda ya cu e lo mester keda como un sorpresa.

Un cos si DIARIO por bisa di esaki, y esey ta cu e composicion sorpresa aki lo ta algo cu un y tur ariba nos isla 'mester' aprecia, y esey ta conta no solamente pa e pueblo pero tambe pa tur esnan den mundo di musica y arte ariba nos isla.

E video clip basa ariba e grabacion sorpresa aki lo mester bira algo formidable tambe y cu lo haci un impacto ariba tur isla di Antillas.

E longplay mes ta graba basa ariba mercado internacional.

Durante e show cu Duo Melao lo duna na Surfside e publico lo por haya un toque tambe di e cancionnan cu lo bini ariba e longplay di Duo Melao proximamente.

VICTORIA

Hendrikstraat 28, Tel: 21541

SUPERMARKET

SPECIAL WEEK-END SPECIAL

WHOLE LEGS 6/5	5.85
KOGELBIEFSTUK 500gr.	3.85
CARNI STOKA 500gr	2.95
LOINRIBS 500gr.	2.40
RIBLAPPEN 500gr.	4.95
PORKCHOP 500gr.	2.65
RABO DI BACA 500gr	2.60
CARNI SOPPIE 500gr.	2.49
MONDONGO 500gr.	1.40
CARNI CABRITO 500gr.	2.97
HIGRA 500gr.	1.30



PAMPERS Toddles 4/48	21.50
COFFEE St. Domingo 1lb	2.75
CORNED BEEF Libby's 12oz	2.29
FRICA JUICES p/btl	0.55
YOGO YOGO dranken p/ltr.	1.80
HUNTS KETCHUP 32oz	2.99
FLORALIN desinf. small	1.59
CHICKEN NOODLE Soep Continental	1.65
DOGFOOD Hydepark 15oz	0.69
CLOROX Bleach 19qrt	3.00
MALTA INDIA 7oz	0.55



PA CADA COMPRA DI FLS.20,--
BO POR GANA 2 TICKETS
IDA y VUELTA pa MIAMI

TUR ATARDI DI DIALUNA PA
DAVIERNA DI 5or PA 7or



E Programa di Estilo
SINTONIA ABSOLUTO
DEN 85



JOHNNY'S
GOLDIES